



PROJEKAT FINANSIRA
EVROPSKA UNIJA



*Empowered lives.
Resilient nations.*

Projekat „Lokalni integrisani razvoj“ (LIR)

SMJERNICE ZA PODNOŠENJE PRIJAVE I PRIJAVNI OBRAZAC

**ZA PODNOSIOCE PRIJAVE NA JAVNI POZIV ZA IZRAŽAVANJE INTERESA
ZA FIZIČKA LICA S PODRUČJA JEDINICA LOKALNE SAMOUPRAVE
ODŽAK, ORAŠJE, ŠAMAC, DOMALJEVAC-ŠAMAC, MODRIČA I BIJELJINA**

**ZA UČEŠĆE U AKTIVNOSTIMA ZASNIVANJA I PROŠIRENJA PROIZVODNJE
SOJE**

Sarajevo, 20. februar 2017. godine

1. Opće informacije

Projekat „Lokalni integrisani razvoj“ (LIR) je trogodišnja inicijativa (2016-2018.) koju primarno finansira Evropska unija (EU), a provodi Razvojni program Ujedinjenih nacija (UNDP) u saradnji sa Ministarstvom za ljudska prava i izbjeglice Bosne i Hercegovine (BiH), Ministarstvom razvoja, poduzetništva i obrta Federacije Bosne i Hercegovine (FBiH), Ministarstvom uprave i lokalne samouprave Republike Srpske (RS) i dva entitetska saveza opština/općina i gradova. Projekat se implementira u 21 jedinici lokalne samouprave (JLS) u BiH.

Projekat ima za cilj podizanje životnog standarda i povećanje socijalne kohezije u BiH putem inkluzivnog održivog socioekonomskog razvoja. Specifični cilj projekta je stimulacija odgovornog i dobrog upravljanja, ekonomskog razvoja te promocija socijalne inkluzije na lokalnom nivou kroz integrisani lokalni razvoj, prvenstveno u područjima pogođenim poplavama kao i onim s velikim procentom povratnika/interno raseljenih lica.

U okviru komponente za ekonomski oporavak, projekat će direktno podržati privatni sektor te potencijalne investitore kako bi se osigurao ekonomski rast te stvorila nova radna mjesta i prihodi. Također, projekat predviđa pomoć i za dugoročno nezaposlene i socijalno isključene kategorija stanovništva (s naglaskom na povratnike, interno raseljene i dugotrajno nezaposlene osobe). Osim toga, projekat planira podržati jedinice lokalne samouprave, u saradnji sa zavodima za zapošljavanje ili centrima za socijalnu pomoć, u realizaciji kvalitetnih i efikasnih programa podrške zapošljavanju kroz javne radove ili slične mjere za zapošljavanje, te na taj način pružiti podršku dugoročno nezaposlenim i socijalno isključenim kategorijama stanovništva u odabranim JSL.

Na osnovu izvršenih analiza lanaca vrijednosti, identifikovani su prioritetni lanci unutar sektora poljoprivrede kroz koje će projekat kroz ciljane intervencije direktno podržavati ruralna domaćinstva kako bi se povećala cjelokupna ekonomska aktivnost u ciljanim zajednicama i produktivnost lanaca vrijednosti, rezultirajući uspostavom održivih poljoprivrednih gazdinstava i dodatnim i dugoročnim izvorima prihoda za navedena domaćinstva. Pri tome će poseban fokus biti na ranjivim kategorijama stanovništva u koje spadaju povratnici i raseljena lica, domaćinstva pogođena poplavama tokom 2014. godine, osobe sa invaliditetom, Romi i pripadnici ostalih manjina, dugoročno nezaposleni, mladi i žene iz ugroženih sredina te dugoročno nezaposleni.

2. Ciljevi

Ovim javnim pozivom se pozivaju sva fizička lica sa područja jedinica lokalne samouprave Odžak, Orašje, Domaljevac-Šamac, Šamac, Modriča i Bijeljina da podnesu prijavu za dodjelu podrške od strane LIR projekta za zasnivanje i proširenje površina na kojim će se proizvoditi soja.

3. Opis planirane podrške

U okviru ovog javnog poziva, podnosioci mogu podnijeti prijavu za paket podrške za proširenje proizvodnje soje kako slijedi:

<i>R/B</i>	<i>Tip proizvodnje</i>	<i>Struktura paketa podrške koja će biti pružena od strane LIR projekta svakom pojedinačnom korisniku</i>
1.	Soja	Sjemenski genetski nemodificirani materijal soje za površinu od minimalno 1 hektara do maksimalno 10 hektara

Pored genetski nemodificiranog sjemena soje, odabranim korisnicima¹ će biti pružena i namjenska obuka za proizvodnju soje od strane projekta „Genetski nemodificirana kvalitetna soja iz Dunavske regije“ koji u BiH implementira Njemačko društvo za razvojnu saradnju (GIZ). Osnovi cilj navedenog projekta je da se u odabranim područjima Dunavske regije (Bosna i Hercegovina i Srbija) uspostavi i ojača ekonomski održiva te ekološki i socijalno prihvatljiva proizvodnja genetski nemodificirane soje.

Podnosioc prijave je dužan da zasnuje novu ili proširi površinu na kojoj je u proteklom periodu sijao soju. Na primjer, ukoliko podnosioc prijave nije sijao soju u 2016. godini, može se prijaviti za učešće u Projektu LIR. Također, ukoliko je proizvođač u 2016. godini proizvodio soju na površini od 2 hektara, kroz Projekat LIR može da proširi svoju proizvodnju na maksimalno dodatnih 10 hektara. Podrška dobivena kroz Projekat LIR se ne može koristiti kao zamjena za planiranu proizvodnju od 2 hektara.

Uz podršku Projekta LIR, odabranim korisnicima će biti pružena mogućnost da se komercijalno uvežu sa firmama otkupljivačima iz Bosne i Hercegovine i potpišu kooperantske ugovore i na taj način obezbijede siguran plasman svojih proizvoda poznatom kupcu i uspostave dugoročnu saradnju. Imena firmi otkupljivača će naknadno biti objavljena. Predmetom otkupa će biti samo one količine soje koje čija analiza je pokazala da soja nema primjesa genetski modificiranih organizama.

Projekat LIR će kontrolisati kvalitet proizvodnje kao i korištenje mineralnih đubriva sredstava za zaštitu tokom proizvodnog procesa. Pored toga, svi proizvođači, koji budu podržani kroz Projekat LIR, će biti predmetom analiza na genetski modificirane organizme (GMO). Analize će se raditi u polju, tokom proizvodnje, ali i pri otkupu soje. Projekat LIR zadržava pravo da isključi iz projekta sve proizvođače čije analize budu pozitivne na genetski modificirane organizme (GMO).

Napomena: Navedeni paket podrške se ne može mijenjati niti prilagođavati zahtjevima i željama podnosioca prijave.

Obaveze podnosioca prijave:

Od podnosioca prijave se očekuje da:

1. Obezbiude odgovarajuću površinu obradivog i pogodnog zemljišta na području navedenih 6 JLS (minimalno 1 hektar obradive površine do maksimalno 10 hektara) na kojem će biti zasnovana proizvodnja soje.
2. Obezbiude odgovarajuću gnojidbu i zaštitu za proizvodnju soje;
3. Adekvatno pripreme zemljište za sisanje i da izvrše sisanje soje;
4. Učestvuju u obuci organizovanoj od strane GIZ projekta;
5. Provode sve agrotehničke mjere u toku vegetacije;
6. Dozvole testiranje soje na genetski modificirane organizme (GMO) za vrijeme proizvodnje kao i za vrijeme otkupa.

¹ Terminii navedeni u ovom pozivu kao što su podnosilac, korisnik i sl. su rodno neutralni i odnose se na pripadnike oba spola.

Indikativni vremenski okvir trajanja projektne podrške odabranim korisnicima je u periodu April 2017-Oktobar 2017. godine. UNDP zadržava pravo da izmijeni ili produži vremenski okvir u zavisnosti od broja odabranih korisnika i dinamike implementacije projekta. Također, UNDP zadržava pravo smanjenja broja JLS koje učestvuju u projektu u zavisnosti od raspoloživih finansijskih sredstava.

Pravo učešća imaju sva fizička lica koja ispunjavaju opšte i dodatne kriterije i koja su spremna da obezbijede iznad tražene stavke.

Nepotpune prijave se neće uzimati u razmatranje.

4. Kriteriji za prijavu fizičkih lica

Prijaviti se mogu fizička lica koja su se bavila ili se bave poljoprivrednom proizvodnjom te koja žive na području jedinica lokalne samouprave Odžak, Orašje, Šamac, Domaljevac-Šamac, Modriča i Bijeljina.

Svaki podnosilac prijave (fizičko lice) treba ispuniti sljedeće osnovne kriterije:

- Podnosilac prijave mora imati prebivalište na teritoriji navedenih jedinica lokalne samouprave;
- Podnosilac mora nesmetano raspolagati sa poljoprivrednim zemljištem (od minimalno 1 hektara do maksimalno 10 hektara na području navedenih 6 JLS) i treba biti sposoban za obavljanje planirane proizvodnje soje. Zemljište koje se nalazi na klizištu ili nekoj drugoj rizičnoj zoni se ne može koristiti za uspostavljanje proizvodnje. Osobe koje su pretrpjele štetu od klizišta, a imaju na raspolaganju zemljište koje se ne nalazi na klizištu, mogu se prijaviti sa zamjenskim zemljištem;
- Zemljište za proizvodnju soje treba ispunjavati potrebne agrotehničke i agropedološke uslove;
- Podnosilac prijave treba osigurati adekvatnu gnojidbu i zaštitu za proizvodnju soje te pripremiti zemljište i izvršiti sijanje soje;
- Ispravno popunjena i potpisana izjava o učešću korisnika u projektu te popunjena i potpisana prijava za učešće;
- Podnosilac treba biti registrovan u Registru poljoprivrednih gazdinstava i Registru klijenata u skladu sa pravilnikom o registraciji poljoprivrednih gazdinstava ili biti u procesu registracije.

Dodatni kriteriji (ovi kriteriji nisu eliminatorni te će se posebno bodovati):

- Podnosilac je pretrpio/la materijalnu štetu od poplava tokom maja 2014. godine;
- Podnosilac živi u domaćinstvu u kojem su svi članovi nezaposleni, odnosno u kojem samo jedan član ima zaposlenje. Zaposljenjem se smatra ukoliko član domaćinstva obavlja posao za koji uplaćuje poreze i doprinose iz zasnovanog radnog odnosa;
- Podnosilac prijave živi u domaćinstvu koje ima 5 ili više članova domaćinstva;
- Podnosilac je samohrani roditelj;
- Podnosilac prijave je osoba mlađa od 30 godina starosti;
- Podnosilac prijave ima ili je imao status povratnika ili raseljene osobe;
- Podnosilac ima status osobe sa posebnim potrebama.
- Podnosilac prijave je žena.

Ukoliko je ukupan broj potencijalnih korisnika koji ispunjavaju navedene uslove veći od broja korisnika koji mogu biti podržani, prednost će se davati višečlanim domaćinstvima te domaćinstvima koja u svom sastavu imaju osobe koje ispunjavaju više kriterija (npr. osobe sa posebnim potrebama koje dijele domaćinstvo sa osobama bez primanja).

5. Smjernice za prijavu i potrebna prateća dokumentacija:

- a) Nakon što projekat „Lokalni integrisani razvoj“ objavi poziv za podnošenje prijava, sva zainteresirana fizička lica koja žive na području odabranih jedinica lokalne samouprave, mogu preuzeti odgovarajuće obrasce za prijave u zgradi jedinice lokalne samouprave u kojoj žive ili sa web stranice <http://www.ba.undp.org>.
- b) Fizička lica koja ispunjavaju uslove se pozivaju da dostave prijave, uključujući i svu potrebnu prateću dokumentaciju koja je navedena u nastavku, najkasnije do **10.03.2017. godine do 17:00 sati**. Aplikacije se mogu dostaviti putem pošte ili direktno u jedan od UNDP ureda:
 - a. Sarajevo: Zmaja od Bosne bb (UN House)
 - b. Doboj: Cara Dušana bb
 - c. Banja Luka: Trg Republike Srpske 1/C1

Ukoliko se prijave šalju putem pošte, dokaz da je aplikacija dostavljena u roku predstavlja datum na otpremnici, poštanski žig ili priznanica.

Ukoliko se prijave podnose direktno u jedan od navedenih UNDP ureda, dokaz da je prijava dostavljena u roku predstavlja potpisana i datirana potvrda o prijemu prijave koja će biti uručena podnosiocu prilikom prijema.

Sve prijave koje se dostavljaju direktno ili putem pošte moraju biti predane u zatvorenoj koverti naslovljene na „PROJEKAT LOKALNI INTEGRISANI RAZVOJ – JAVNI POZIV ZA ZASNIVANJE I PROŠIRENJE PROIZVODNJE SOJE“.

- c) Za sve dodatne informacije i pojašnjenja tokom perioda podnošenja prijava, podnosioci zahtjeva mogu direktno uputiti pitanja, upite i zahtjeve u pisanoj formi, na broj faksa +387 33 552 330 ili e-mail registry.ba@undp.org.
- d) Obrasci s nepotpunim podacima će biti odbijeni (označiti s nulom (0) ako podaci nisu navedeni).
- e) Prijave koje ne sadrže potrebnu prateću dokumentaciju se neće razmatrati.

Pored ispravno popunjenog i potpisanog obrasca za prijavu (obrazac je na 10. i 11. strani poziva) i izjave o saglasnosti (izjava je na stranici 12. ovog poziva), fizička lica koja se prijavljuju za učešće trebaju dostaviti prateću dokumentaciju, koja je navedena u nastavku.

Popis prateće dokumentacije:

1. Obavezna dokumentacija:

- Kopija lične karte;
- CIPS prijava (ne starija od 30 dana, original ili ovjerena fotokopija);
- Potvrda nadležne opštinske/općinske službe ili APIF-a prema mjestu prebivališta da je podnosilac registrovan/a ili podnio/podnijela zahtjev za upis u Registar poljoprivrednih gazdinstava i Registar klijenata u skladu sa pravilnikom o registraciji poljoprivrednih gazdinstava.
- Kućna lista za domaćinstvo podnosioca prijave sa datumom izdavanja iz perioda trajanja javnog poziva;
- Naznaka na kojoj parceli ili parcelama će se vršiti proizvodnja soje. Parcele moraju biti navedene u Registru poljoprivrednih gazdinstava i klijenata. Ukoliko nisu navedene, potrebno je dostaviti kopiju ZK izvotka ili posjedovnog lista za predviđene parcele. Ukoliko parcele nisu u vlasništvu podnosioca prijave, potrebno je dostaviti ugovor o zakupu ili korištenju parcele u trajanju od minimalno 1 godine.

2. Dodatna dokumentacija

- Potvrda/prijava o pretrpljenoj materijalnoj šteti – općina/opština ili druga nadležna institucija (podnosi se ukoliko je podnosilac pretrpio štetu tokom poplava u maju 2014. godine);
- Ukoliko je osoba koja aplicira samohrani roditelj potrebno dostaviti sljedeće dokumente: Dokaz da se radi o samohranom roditelju (smrtni list supruga/e, rješenje o razvodu i rodni list djeteta/djece);
- Ukoliko osoba koja aplicira ima ili je imala status povratnika ili raseljenog lica, potrebno je dostaviti: 1. *Potvrdu za povratnike*: Potvrda izdata od gradske službe, MUP-a ili nadležnog ministarstva koja potvrđuje status povratnika; 2. *Potvrdu za raseljene osobe*: Kopija originalne dokumentacije koja potvrđuje status raseljene osobe ili potvrda od nadležnog ministarstva ili opštine/grada koja potvrđuje status raseljene osobe;
- Ukoliko osoba koja podnosi prijavu ima status osobe sa posebnim potrebama, potrebno je dostaviti rješenje o invalidnosti, rješenje o radnoj sposobnosti ili neki drugi dokument u kojem je identificiran invaliditet. Ukoliko podnosilac prijave zbog svog zdravstvenog stanja ne može obavljati planiranu poljoprivrednu proizvodnju, neka druga radno sposobna osoba iz domaćinstva treba biti nosilac prijave. Ukoliko podnosilac prijave nema status osobe sa posebnim potrebama, a živi u domaćinstvu u kojem jedan član ili više njih imaju status osobe sa posebnim potrebama, onda je potrebno dostaviti navedene dokumente za osobe sa posebnim potrebama iz domaćinstva.

6. Uloge i odgovornosti strana

Projekat „Lokalni integrisani razvoj“ će pružiti podršku i tehničku pomoć koja će se dodjeljivati u okviru raspoloživih sredstava projekta.

Svi aplikanti po osnovu ovog javnog poziva će morati potpisati Izjavu o saglasnosti, kojom izražavaju svoju spremnost da zadovolje sljedeće zahtjeve (Izjava o saglasnosti dostupna u nastavku, na stranici br. 8):

- pružanje informacija na zahtjev UNDP-a;
- učešće u obukama organiziranim od strane UNDP-a i/ili GIZ-a u BiH;

- ❑ dostavljanje svih relevantnih informacija;
- ❑ potpisivanje odgovarajućih ugovora o primopredaji sjemenskog materijala sa nadležnom jedinicom lokalne samouprave;
- ❑ daju vlastiti doprinos uspostavljanju proizvodnje soje (priprema zemljišta, sjetva, provođenje svih agroteničkih mjera u toku vegetacije) te osiguraju adekvatnu gnojidbu i zaštitu za uzgoj soje tokom poljoprivredne sezone 2017. godine;
- ❑ pristup informacijama i parceli tokom posjeta u cilju procjene implementacije projekta.

7. Proces odabira

Izbor korisnika pomoći na osnovu ovog javnog poziva će vršiti komisija imenovana od strane UNDP-a koja će djelovati na nivou JLS ili grupe JLS, uz učešće i predstavnika JLS i/ili nadležnih kantonalnih ministarstava. Komisija će razmatrati prijave u skladu sa odredbama ovog javnog poziva.

Rezultati o izboru korisnika projekta bit će objavljeni na oglasnoj ploči opštine/općine i web stranici <http://www.ba.undp.org>.

Izbor korisnika će se odvijati u dvije faze, uključujući:

Prva faza: Usklađenost i evaluacija prijava po kriterijima iz javnog poziva

- Komisija za odabir provodi pregled prijava i pregled usklađenosti prijave s administrativnim zahtjevima;
 - Provjera da li je dostavljena sva potrebna dokumentacija;
 - Vrednovanje i bodovanje prijava fizičkih lica.
 - Predstavnici Komisije i/ili JLS će procijeniti tačnost informacija navedenih u obrascu za prijavu i pogodnost predložene lokacije od strane podnosioca prijave za uzgoj soje.

Druga faza: Izrada konačne liste odabranih korisnika

- Komisija će na osnovu verifikacije podataka navedenih u prijavi i raspoloživih informacija iz JLS službi kao i iz APIF baze napraviti konačan odabir korisnika.

VAŽNO:

Ukoliko se prilikom druge faze ustanovi da predložena lokacija zemljišta nije pogodna za proizvodnju soje, prijava se neće uzeti u dalje razmatranje!

Napomena: U slučaju da se kroz verifikaciju podataka iz prijava dođe do saznanja o lažnom predstavljanju i davanju netačnih informacija, podnosioc prijave će po automatizmu biti isključen iz projekta.

8. Evaluacija

Sve dostavljene prijave će se ocjenjivati u dvije faze od strane Komisije za selekciju, u skladu sa ispod propisanim kriterijima, pri čemu je svaka faza eliminatorna.

KORAK 1. OTVARANJE PRISTIGLIH PRIJAVA, PROVJERA NA OSNOVU ADMINISTRATIVNIH I KVALIFIKACIONIH KRITERIJA, I EVALUACIJA PRIJAVA.

U sklopu prve faze, po prijemu i otvaranju prijava, ocjenjuju se sljedeći elementi:

- Da li je prijava dostavljena u utvrđenom roku. Ukoliko nije, ista se automatski odbija.
- Da li prijava ispunjava sve **osnovne administrativne kriterije** navedene u listi ispod. Ukoliko ne zadovoljava i ukoliko je odgovor na jedno od pitanja u tabeli ispod „NE“, prijedlog projekta neće biti dalje razmatran.

ISPUNJENOST ADMINISTRATIVNIH ZAHTJEVA I KRITERIJA			
Provjera ispunjenosti osnovnih administrativnih kriterija i dostavljene obavezne dokumentacije:		DA	NE
Ispunjen obrazac za podršku pri uspostavljanju poljoprivredne proizvodnje soje.			
Potpisana izjava o saglasnosti.			
Kopija lične karte.			
CIPS prijava (ne starija od 30 dana, original ili ovjerena fotokopija).			
Kućna lista za domaćinstvo podnosioca prijave sa datumom izdavanja iz perioda trajanja javnog poziva.			
Dokaz o vlasništvu ili korištenju poljoprivrednog zemljišta od minimalno 1ha.			
Potvrda nadležne opštinske/općinske službe ili APIF-a o registraciji u registru poljoprivrednih gazdinstava i Registru klijenata u skladu sa pravilnikom o registraciji poljoprivrednih gazdinstava ili odgovarajući dokumentovani dokazi da je podnosilac prijave u procesu registracije.			

Također, u ovoj fazi će se izvršiti provjera ispunjenosti dodatnih kriterija i dostavljene dodatne dokumentacije. **Dodatni kriteriji nisu eliminatorni i njihovo neispunjavanje ili djelimično ispunjavanje neće diskvalifikovati podnosioca iz procesa evaluacije ukoliko zadovolje minimalan broj bodova na bazi ispunjenosti osnovnih administrativnih kriterija.** Lista ispunjenosti dodatnih kriterija i pripadajuće dokumentacije je kako slijedi:

Dodatna dokumentacija:		DA	NE
Potvrda/prijava o pretrpljenoj materijalnoj šteti 2014. godine.			
Dokaz da se radi o samohranom roditelju (smrtni list supruga/e, rješenje o razvodu i rodni list djeteta/djece).			
Potvrda za povratnike ili potvrda za raseljene osobe.			
Ukoliko osoba koja podnosi prijavu ima status osobe sa posebnim potrebama, potrebno je dostaviti rješenje o invalidnosti, rješenje o radnoj sposobnosti ili neki drugi dokument u kojem je identificiran invaliditet.			

Evaluacijska ljestvica

Dodatni kriteriji	Maksimalan broj bodova
Podnosilac prijave je osoba mlađa od 30 godina starosti.	5
Podnosilac prijave je žena.	5
Podnosilac živi u višečlanom domaćinstvu: a) Domaćinstvo od 7 i više članova-20 bodova b) Domaćinstvo od 5-6 članova-10 bodova c) Domaćinstvo do 4 i manje članova-0 bodova	20
Podnosilac prijave je pretrpio materijalnu štetu u poplavama 2014. godine.	5
Podnosilac prijave je samohrani roditelj.	15
Podnosilac prijave ima ili je imao status povratnika ili raseljene osobe.	15
Podnosilac ima status osobe sa posebnim potrebama ili živi u domaćinstvu sa osobom kojoj je potrebna posebna njega ili je osoba sa posebnim potrebama.	15
Podnosilac živi u domaćinstvu u kojem su svi članovi nezaposleni. Zaposlenjem se smatra ukoliko član domaćinstva obavlja posao za koji uplaćuje poreze i doprinose iz zasnovanog radnog odnosa: a) Svi članovi nezaposleni-20 bodova b) 1 član zaposlen-10 bodova c) 2 i više članova zaposleno-0 bodova	20
Ukupan max. broj bodova:	100

LID Projekat neće uzeti u razmatranje prijave koje imaju manje od 40 bodova. Nakon ocjenjivanja prijedloga u skladu sa iznad navedenim navedenim kriterijima, definira se preliminarna rang lista u skladu sa ostvarenim brojem bodova. Nakon toga, u sklopu druge faze procesa selekcije će se izvršiti terenske posjete odabranih korisnika u cilju procjene tačnosti informacija navedenih u obrascu za prijavu i pogodnosti predložene lokacije od strane podnosioca prijave za uzgoj soje. Po završenim terenskim posjetama, u trećoj fazi će se definisati konačna rang lista odabranih korisnika.

9. Indikativni vremenski okvir

Predviđeni indikativni vremenski okvir za provedbu procesa odabira je slijedeći:

AKTIVNOST	DATUM
Objava poziva	20.02.2017
Krajni rok za dodatne upite i pojašnjenja	28.02.2016
Rok za podnošenje prijava	10.03.2016
Obavijest o konačnim rezultatima poziva	31.03.2017
Potpisivanje ugovora sa odabranim fizičkim licima	07.04.2017

OBRAZAC ZA PRIJAVU²

Projekat „Lokalni integrisani razvoj“ Prijava za podršku pri uspostavljanju poljoprivredne proizvodnje				
INFORMACIJE O PODNOSIOCU PRIJAVE				
Ime i prezime:				
Datum rođenja:	JMBG:	Broj telefona:		
Adresa:				
Opština/Općina:				
Informacije o članovima domaćinstva:				
Ime i prezime	Spol (M/Ž)	JMBG	Porodični odnos	Starost
Da li posjedujete više od jedne stambene jedinice? Da <input type="checkbox"/> Ne <input type="checkbox"/>				
Ukoliko je odgovor da, da li su ostali objekti u Vašem vlasništvu na prostoru opštine/općine boravišta? Da <input type="checkbox"/> Ne <input type="checkbox"/>				
Da li ste pretrpjeli štetu tokom poplava u maju 2014. godine: Da <input type="checkbox"/> Ne <input type="checkbox"/>				
Da li su navedeni objekti stradali u poplavama: Da <input type="checkbox"/> Ne <input type="checkbox"/>				
Status osobe sa posebnim potrebama: Da <input type="checkbox"/> Ne <input type="checkbox"/>				
Da li u domaćinstvu imate članova domaćinstva sa statusom osobe sa posebnim potrebama: Da <input type="checkbox"/> Ne <input type="checkbox"/>				
Status samohranog roditelja: Da <input type="checkbox"/> Ne <input type="checkbox"/>				
Status povratnika ili raseljene osobe: Da <input type="checkbox"/> Ne <input type="checkbox"/>				
Da li ste u protekle 3 godine učestvovali u nekom od UNDP-ovih projekata? Da <input type="checkbox"/> Ne <input type="checkbox"/>				
Ukoliko je odgovor da, ispod navedite u kojem projektu i kojoj aktivnosti ste učestvovali: _____				
PODACI O SOCIJALNOM STATUSU PODNOSIOCA				
Radni status (za članove domaćinstva između 18 i 65 godina starosti)				
Ime i prezime člana domaćinstva	Zaposlen/a (DA/NE, ukoliko DA, navesti gdje i naziv radnog mjesta)	Nezaposlen/a (DA/NE)	Student/ica Penzioner/ka	

² Kao odgovor na pitanja iz obrazca za prijavu koja nisu primjenjiva u Vašoj situaciji, u polju predviđenom za odgovor na ta pitanja trebate navesti nulu (0).

STATUS POLJOPRIVREDNE PROIZVODNJE			
Navedite kojom ste se poljoprivrednom djelatnošću bavili ili se trenutno bavite (voćarstvo, povrtlarstvo itd.)?			
Navedite površine koje ste obrađivali ili trenutno obrađujete (u hektarima)?			
Navedite godišnje prinose po kulturi koje ste ostvarivali u 2016. godini? Prinos navedite po hektaru te navedite i koju površinu sijete.	_____ tona _____ tona _____ tona _____ tona _____ tona		
Koliko dugo se bavite ili ste se bavili ovom vrstom proizvodnje?			
Gdje i kome prodajete svoje proizvode (ukoliko se bavite komercijalnom poljoprivredom)?			
Da li se trenutno bavite ili ste se bavili proizvodnjom soje? Ako da, kojih sorti i na kojoj površini?	Soja: _____		
Da li posjedujete poljoprivrednu mehanizaciju? Ako da, navedite koju.			
PROIZVODNJA ZA KOJU SE PRIJAVLJUJETE			
U skladu sa javnim pozivom, molimo Vas da ispod navedete sa kojom površinom poljoprivrednog zemljišta se prijavljujete za proizvodnju soje. Potrebno je navesti površinu u hektarima, uz napomenu da površina mora biti od minimalno 1 hektara do maksimalno 10 hektara.			
Površina poljoprivrednog zemljišta uzgoj soje (u hektarima): _____			
Ja, _____, ovim potvrđujem tačnost navedenih podataka i prihvatam da netačnost navoda u ovoj prijavi znači automatsku diskvalifikaciju mog učešća u projektu „Lokalni integrisani razvoj“.			
Potpis:	Datum:		

IZJAVA O SAGLASNOSTI

Ja, _____ /ime i prezime podnosioca prijave/,
saglasan sam da u slučaju da budem odabran za učešće u projektu „Lokalni integrisani razvoj“, na zahtjev UNDP-a osiguram sljedeće:

- pružanje informacija na zahtjev UNDP-a;
- učešće u obukama organiziranim od strane UNDP-a i/ili GIZ-a u BiH;
- dostavljanje svih relevantnih informacija;
- potpisivanje odgovarajućih ugovora o primopredaji sjemenskog materijala sa nadležnom jedinicom lokalne samouprave. Dodijeljeni sjemenski materijal korisnik **NE SMIJE** dijeliti, otuđivati, prodavati ili uništavati bez pismene saglasnosti UNDP-a;
- vlastiti doprinos uspostavljanju proizvodnje soje (priprema zemljišta, sjetva, provođenje svih agroteničkih mjera u toku vegetacije te osiguraju adekvatnu gnojdbu i zaštitu za uzgoj soje tokom poljoprivredne sezone 2017. godine;
- pristup informacijama tokom posjeta u cilju procjene podobnosti za implementaciju projekta.

Potpis: _____

Datum: _____